

宋詩紀事補遺

宋詩紀事補遺卷之二十六

歸安陸心源伯剛父輯

杜紘

字君章濮州甄城人元豐中太常丞判尙書兵部宋史三百三十有傳

送程給事知越州

大旆高牙不爲榮錦衣過鄉無可喜長安久客厭塵土得見青山與流水高帆大檣駕吳艘直指東南不留止昔人萼鱸有高興乍到江國真快耳蓬萊危閣切蒼霞湖面百頃秋光裏野鳬江鷗點白煙紅渠蓼

花照清泚星辰影動落簷前鼓角聲雄來地底越國
強大今尙富海陸百貨填井里我公才高出人頭人
所爲難公則易暫辭青瑱擁朱轡飽得閑暇窮勝地
高情灑落白雲中日從賓筵二三子薄余曾得侍公
顏喜見仙骨清照几稽山千古鍾秀氣四明五雲有
幽致朝邑沆瀣食倉精暮襲鴻濛殽氣藥可以養公
之長生可以輔公之高思富貴儻來可奈何經濟未
施聊自寄相如歲晚更倦遊客路崎嶇勞馬筆羸官
無補官家事冗食徒索太倉米五湖七澤不得到惆
悵浮生輕自弃得公旌旗先入吳願從此去爲公吏

會稽報
英續集

趙岬

字景仁衢州西安人清獻公子由蔭登第元豐
中通判温州迎清獻來名其堂曰戲綵東坡送
以詩代還爲太僕丞擢監察御史父老請外提
舉兩浙常平宋史附見父朴傳奉父徧遊名山
人以爲榮

岑崎山

洞門喬木晝陰陰洞穴嵌空透碧岑偶約騷人同此

樂搖毫靜坐發清吟

東甌金石志

趨石橋初登山嶺

天梯欲上使人愁，身御長風不自由。
下現白雲生澗底，仰看紅日在山頭。
其傳此處迷劉阮，自恐今朝犯斗牛。
歸路侶從霄漢墮，却來塵世得羈囚。

天台續集

李柬之

字公明，幽州人。迪子。元豐中，龍圖閣直學士，尚書兵部侍郎兼侍讀，知通進銀臺司兼門下封駁事，同判太常寺兼禮儀事。宋史附迪傳。

送程給事知越州

文行學曾顏，才名孰可攀。
仁風清郡國，和氣滿江山。

暫抑提雄口行當遙近班須知攬轡暇大智養閑閑

會稽掇

英集

趙知章

一作君章

元豐中甯海軍節度推官

游虎邱

神光在牛斗空賦白雲篇地坼龍泓冷天分錦石圓
悠悠蕉鹿夢的的露牛禪再見窗中雪應知宿有緣

虎邱志

趙說

元豐中知安溪縣

題韓左軍馬圖

龍媒神飛影在紙雙瞳墨濕電光紫烏首昂昂渴奔
水青鬃迎風拂不起逸氣難居卑櫪底勢欲陪龍走
千里月支寫馬有如此落筆一與王生似云是吾州

韓畫士

書畫
策攻

沈季長

字道原真州揚子人年十七舉進士補越州司
法參軍累官南京國子監教授直講大理寺丞
元豐中太子中允集賢校理兼天章閣侍講權
同判尚書禮部轉寶文閣待制元祐初權知南

康軍移秀州元祐二年卒于官年六十一著有
文集十五卷詩傳二十卷論語解十卷對問五
卷

送程給事知越州

給事才名不記春又麾雙旆越江濱厭看圖牒評句
踐慣把珪符笑買臣身到舊遊心更喜詩逢絕境語
爭新暫虛紫府雲閒直去與蓬萊作主人

會稽掇
英續集

呂嘉問

字望之藍田人呂氏號爲家賊元豐中尙書司
勳員外郎提舉在京諸司庫務都提舉市易司

宋史三百五十五有傳

送程給事知越州

朱方藩牧寄非輕故輟中朝近侍行黼帳暫違簪筆
對錦衣初喜過家榮前臨使宅千山秀俯視隄封一
水橫第恐急賢嚴召節不容選勝遍江城會稽掇英續集
范育

字巽之邠州三水人元豐中著作佐郎權檢詳
密院兵房文字宋史三百三附范祥傳

送程給事知越州

雍容青瑣漢儒臣出牧東南七郡民祕府內分龍節

貴故鄉朝看錦衣新湖山動色吟詩老牛酒均懽慰
路人豈愧能名循吏後應留美化大江濱相逢日下
黃門省回首風前畫鷁津未省行春周澤國卽聽鳴

玉上楓宸

會稽掇
英續集

范子奇

字中濟河南人雍子元豐中尙書主客郎中權
判軍器監宋史二百八十八附雍傳

送程給事知越州

寵命光輝出九重夕郎捧詔未央宮輟從近侍優耆
德暫殿名邦撫浙東道過故鄉觀畫繡政成載路播

仁風豈惟越俗欣漸惠卽看延登起茂功

會稽掇英續集

畢仲衍

字夷仲鄭州人士安曾孫元豐中著作佐郎權檢正中書戶房公事宋史附士安傳

送程給事知越州

朝回鳴櫓下東流入自承明向越州
印綬光華將過里江山瀟洒去迎秋
香銷瑣闥成新夢雲映蓬萊識舊遊
須體聖心圖任切鑑湖雖好莫淹留

會稽掇英續集

畢仲連

鄭州人士安曾孫元豐中衛尉寺丞

送程給事知越州

玉籍殊科四十秋，徊翔藩翰幾淹留。
五羊舊治功尤著，百越新恩志已酬。
健節亭亭心益壯，清吟一一思如流。
壺漿滿道爭迎處，畫錦應先駐虎邱。

鑣鼓喧喧逐迅流，旆旌明滅擁行舟。
二吳作鎮侯藩重，一道提兵帝澤優。
錦里江山歸興逸，鑑湖風月到時秋。
祗應圖任須元老，促召猶能駐虎邱。

會稽英續集

郭方進

當塗人

元豐四年八月遊蒼玉洞

片片冰崖裂淙淙雲浪口舉頭看白鷺相伴□□□
長汀縣志金石

莫淵

元豐中左班殿直樞密院點檢文字

送程給事知越州

北虜分庭正東藩得郡優兼曹拋玉殿重閣指蓬邱
節制連江海封疆直斗牛地雖鄰故里人始識元侯
合浦珠還日長河虎渡秋溪山歸勝覽風月入冥搜
使旆天邊去樓船鑑裏遊茶槍香泛泛竹箭綠修修
樂苑花猶卉蘭亭水尚流千尋經石簣八月看潮頭

蕭寺逢支遁山陰憶子猷昔賢嘗縱樂太守好消憂
倒載何妨作扁舟未可謀朝綱須急治民瘼俟全瘳
青瑣從虛位朱旛且少留行當宣室召還應傳巖求
德望終歸用愚蒙祗自愁官資卑執戟身勢類浮鷗
每玷鄉人薦長思國士酬那堪聞疊鼓惆悵送行輶

會稽掇
英續集

謝惇

陽夏人濤之後元豐中潁州司戶參軍前尙書

兵部勾當公事

送程給事知越州

夕郎暫去赤墀班
寵佩藩符出漢關
江國正逢鱸味美
里閭先著錦衣還
賞追賀監湖邊月
醉陟秦王護畔山
萬壑千巖常在眼
詩情應喜訟庭閑

會稽掇英續集

謝忱

元豐中夏陽人程給事從表姪

送程給事知越州

垂髫騎竹戲江濱
束髮區區走路塵
憶別稽山無去夢
樂聞鑑水欲歸人
棹歌停櫂千詩送
帆影乘風百尺伸
行矣東南寄滋重
越民遠爾待頒春

會稽掇英續集

謝慥

陽夏人濤之後元豐中太廟齋郎

送程給事知越州

越山峯峩蒼穹北山獨秀誇臥龍集賢學士辭青
瑣高牙新擁千騎雄畫看臥龍峯夕隱蓬萊宮雙旌
倒影射日紅心閑不厭來山中排虛屏障環四封翠
積琉璃千萬重乍見煙霞西復東倏聽海鼓鳴蓁蓁
照湖一望光悠溶寒波百里秋瞳矐茂林修竹交青
葱崢嶸樓閣疑天通使君況復氣摩空高吟萬字才
不窮醉倒猶索黃金鍾下筆凜凜生清風幸當聖世
民俗豐莫惜樽俎頻雍容但憂政成被追鋒白雲幽

鳥不得長相從

會稽掇英續集

上官均

字彥衡邵武人元豐中光祿寺丞充國子直講
宋史三百五十有傳

送程給事知越州

遠民誰布上恩寬一紙除書輟近班
候騎百城瞻使節壺漿十里過鄉關
雲山繚繞謳吟外鈴閣從容指顧間
密詔未從疎傳請追鋒行看日邊還

會稽掇英續集

題耿氏溫清堂

遠山終日自清輝縹渺喬林野氣微
秋菊已開陶令

徑春風好舞老萊衣溪頭釣艇資閒興松下歸禽伴
息機吟倚醉登堪自慰不須悵望白雲飛

江陰縣志

鄭穆

字閔中福州候官人元豐中諸王府侍講尚書
司封員外郎集賢校理宋史三百四十七有傳
送程給事知越州

菟符優寄寵清賢邸吏相驚印紱鮮方面幾稱良太
守名區今作小神仙夏王古穴幽藏怪賀監明湖冷
浸天爲語錢塘二千石詩筩頻發渡江船

會稽掇英續集

和陳述古我愛仙居好

我愛仙居宰隆時起四方

述古儒者始至本州而縉雲建安諸郡舉子相次而

至慕義講學

青衿遊戶闔逢掖在軒堂在昔風蠻貊于今

邑校庠賀衙聞勸學耆耄涕徬徨

我愛仙居宰渾渾政不拘縱民如野鹿任道若荒蕪
訪境土皆闢訂風惡亦無平生志嚴整伺隙莫操弧
我愛仙居宰巖巖氣宇寬百筵微出響萬楫一生瀾
邑小天爲壽民愚地與安經年不相見已見欲躋難
以上仙居縣志

陳清

元豐中知分水縣

慧日寺

秋入西山爽氣生
煩襟滌盡漸神清
塵埃不到窓扉

靜坐聽幽林一鳥鳴

福甯府志

盛次仲

厲有

事蹟見補傳

題四香亭

擾擾紅塵爲底忙
僧家白日自舒長
風簾著地寂無事
百刻青春一炷香

四圍老綠夏陰涼
一枕南薰睡思長
夢裏不知身是蝶
等閒飛送白蓮香

霜晴恰見湖山好境靜方知日月長陶令醉多難入
社時來摘菊飯秋香

趁雪看山坐小牀白雲影裏玉虹長不知砌下梅花

發只怪開簾有暗香

慈谿縣志

盛陶

字東里元豐時人

奉寄靈巖長老確公大師

適見隨州住誰教復在齊君看歷山北何似善光西

確公舊在隨州
仙城山善光寺

傳法仙城後流名上國高游方緣漸契無亦太忉忉

靈岩山下草今古幾回春不有開堂日焉知卷席人

石刻靈

岩志

吳奎 厲有

泛照湖遊天章

秦望奇峰北天章野寺東石橋跨驚瀨雲屋麗層穹
片段磨礪密高低結構雄盤基深鑿岸飛勢聳凌空
迴卻熙蒸日虛含自遠風谿山形勝聚川陸往來通
竹影搖軒外松聲逼坐中孤烟惹樵叟輕浪濺漁翁
氣象清無比登臨杳莫窮直須圖畫看安得入神工

前題

愁霖不肯已陰結彌二旬吾遊欲及時秉燭出城門
泛泛一畫舫密坐環親賓爽氣忽侵袂重雲稍逡巡
俄頃萬里晴鬼魅伏清晨日光溜水態照灼無涯垠
輕烟緬以沒微風颺然振荻蒲動幽嚮撥刺驚潛鱗
浮沈戲鷗鷺蕩漾開萍蘋榜人發櫂歌漁翁理罾緡
激越自成態瀟灑何其真清輝不可狀野思徒紛紜
弭棹山之阿行行問吾民莓苔黏側廵馬足絕纖塵
青谿曲折度茅屋經過頻川涂斗開闢夷路夾松筠
右轉聳雲構廣除礪翠珉佛殿燦金碧標榜白玉宸
脩廊盤磴道等級華堂新最後敞高閣扁藏帝室珍

冥心一薰拂璨璨羅星辰大哉三聖筆天縱妙入神
名家數幾百較古誰爲鄰山頭見塔影樹杪排嶙峋
直上遽登造愛奇忘艱辛秋容媚虛曠藹藹揚奇芬
羣峰出口角萬象皆縷陳森爽翠欲滴蒼茫寒襲人
遠心窮碧海逸興凌高旻躊躇下烟麓盻眙行復詢
僧言王右軍遺蹟永和春蘭亭有曩基墨池含漪淪
書室閎靈像五亭餘圓囷次第與探厯畢景頤厥因
簡累脫紛滓遺榮終幅巾逍遙自得場此節固離倫
憤恥以寄傲則非吾所遵涼飈拂脩竹暮靄起長津
纓佩顧爲忝城郭宜爾親回首已遙碧恍然塵世分

以上會稽
掇英集

吳逕

神宗時人

憶秦望照湖二境

東南山水古馳名合與騷人養性靈
秋色自歸雲轉白潮痕不到草常青
巖房避暑堪長往桂楫浮春幾度經
何事深思無暇日宿猿崖近狎鷗汀

會稽掇英集

羅拯

字道濟祥符人登進士神宗時厯官知榮秀青
穎秦五州江西運判福建提點刑獄江淮轉運

使天章閣待制宋史有傳

建茶

自昔稱吳蜀芳鮮尙未真于今盛閩粵冠絕始無倫
地占群山秀時先百卉春

又

草木英華聚樓臺紫翠重山形仙苑鳳泉脉御池龍
與地紀勝

羅登

神宗時人

賦新繁周表權如詔亭

詩禮當年學此亭先生題作義方名豈知天詔加褒
美冥合君言被寵榮銀組郎曹新進秩綵衣子舍貴
專城一門忠孝誰能繼官蔭恩先及弟兄

成都文類

王安國 厲有

題吳長文得蘭亭康相墓顏魯斷碑

魯公之忠曠世無吾愛斯人何必書九原寥寥不可
詰筆法髣髴精神餘況公於藝自天縱一字宜用千
金摹想當揮灑笑談際不復靳惜唯所須山砧水險
勇巉刻照耀楚越連秦吳百年兵火變陵谷萬里玉
石埋榛蕪時平好事搜遺蹟窮極南北緣崎嶇耳聞

目見略已盡疑有斷裂留樵漁那知數尺翳塵土洗
滌近出郡城居松煤到紙覺飛動氣象磊落超鍾虞
吳卿獲此喜驚坐朝昏把翫過明珠攜來贈客客爲
賦爽邁遠並前賢驅自云感激得妙理學入勝處繇
勤劬余聞畫史羸蟠礴意匠不爲形骸拘能將聲利
瓦礫棄點畫應手成璠璣公遭亂世生死俱見危授
命真丈夫俯仰兵刃猶簪裾毫端妍醜骨睚眦試懷
局縮較精粗體勢豈暇烟雲舒區區技巧尙乃爾欲
鳴道德宜何如嗟哉荒烟幾日月豪俊忽徙臨庭除
由來始去終見取鑒裁誰敢欺錙銖物微顯晦亦有

待人生通塞無巧愚寄謝紛紛馳騫徒真偽枉以好

惡誣

會稽掾
英集

唐介 厲有

明王寺

日高霞散采松老鶴巢枝壞壁詩猶在紗籠何用之

湖南通志
古蹟略

雷周輔

四川閬州人神宗時官內殿承制供備庫使見

三沈集外制

句

路險客須到山高人盡耕

輿地紀勝

章望之

厲有

和陳述古仙居巖老堂詩

巖前未老客期在老樵漁撫俗多閑暇開軒適起居
讀詩明治亂學易體盈虛頻許相從否吾將當故廬

天台別編

一人泉

一人泉在此山顛萬人可飲聞舊言顧我無人試此

水盛夏獨飲南風前

建康志

王碩

神宗時龍圖閣學士官侍郎胡宿有送碩赴荆
南詩云主人落筆多風調應唱新辭徧郢城蓋
亦能詩者

君山

不饒衡岳秀長占洞庭心

輿地紀勝

虎邱

寺古山奇眾所傳欲留題詠媿先賢入門忽似拋塵
世對景終疑在洞天雲影潤黏經石蘚竹陰濃拂劍
池泉尋幽未遍且歸去更其香花結後緣

虎邱志

王說

字應求鄞人隱居教授神宗特恩補將仕郎爲
州長史

廣勝寺

山亭十里見纖微暫出紅塵已息機次第一行寒鴈
去淺深千片亂霞飛青山不斷何年有流水無窮底
處歸自古興亡安足問世間人事轉頭非

山西通志

李師中 厲有

龍隱巖

春波飽微綠斗柄涵虛明方舟貫巖腹鵝鸕相酬鳴
仰窺穹窿頂宛轉百怪呈僅餘鱗甲碎不見頭角猶

下闕清冷淵演迤萬頃澄但同魚鳥參勿遺蛟龍驚
挾苦撫奇篆倚棹看題名三將標殊勛自與山不傾
誰歟贅小築政恐山靈嗔南洞更幽絕仙佛依崢嶸
太虛可爲室豈復資藥楹乳泉助茗椀中有冰雪清
何須驂鸞去此卽白玉京來不速客抱葉忽逢迎
愛此無絃曲巖溜同一聲爲君洗塵耳喚我詩魂醒
祗恐白衣至好句無由成

廣西通志山川

雲

歸來不覺山川小出去豈知天地寬大抵無心自無

累亦如君子所居安

廣西通志金石

題龍隱巖

軒冕儻來仍假借權官假借功名難立更因循
非才不繫蒼生望收取林泉自在身

留題龍隱巖

過江緣磴尋溪垠隱然絕壁天開門
傳云此處昔龍隱陰巖凜凜猶疑存
風雲已與時變會苔蘚尙接初潛痕
嗟余出處不自重遇事輕發難爲神

嘉祐三年九月受命來嶺外七年十一月得
請知濟州感恩願已喜不自勝留詩四章
以志歲月

鎮撫四夷吾道在可憐壯志日因循四年盡瘁今歸
去不負斯民只負身薛許昌詩云不負嘉州只負身
但以安民爲事耳

侵地還來開境遠貢琛上去革音初但無俘馘充歸

獻辜負君恩死有餘侵地頗收復又來入貢但未能

乞得衰身出瘴烟一麾仍許視于蕃蒙恩理爲家園

在望松楸近自問如何報上恩濟川先塋及汝

出岫白雲猶繚繞離羣飛鳥尙鳴悲四年人去寧無

憾況是梅花滿樹時時嶺梅盛開杜牧詩云一年人

佳豈無情廣西通志金石略

題大空子隱居

可道非常道真空本不空荒郊自生草閒地又栽松
無欲更何慮有爲終必窮風雲上天去老子信猶龍
同上

子陵二首

阿諛順旨爲深戒遠比夷齊氣更豪半夜光芒侵帝
坐有誰曾似客星高

社稷功名出隱淪天高聽遠亦應聞
鴈眉一去無人問七里商山但白雲
嚴陵集

任太初

神宗時人

天台郡讀道經寄明逸十絕

十匣瓊文一炷香清閑把讀興何長終須爲覓王喬

信與寄明晨夏侍郎

王喬謂王子喬也得道於天台山明晨侍郎仙官名夏馥嘗爲

之出
真諾

晴檻遠分天姥雪幽窓時入括蒼雲高閑有味無人

愛手把仙經只憶君

楊許靈書萬古傳東明公本是眞仙他時載會終誇

向一月曾遊四洞天

桐栢赤城栢蒼蓋竹俱在天台郡之側

西昇讀徹諷南華琴劍蕭條侶道家羽客不來來忽

見定應相見學蜚霞

吟齋一逕雨苔斑
門掩羣書白日閒
還似三茅與諸
許當年寂寞住空山

春潮城郭海霞岑
颿罷黃庭卽縱吟
誰向貳卿同志
說掩扉還似臥雲林

寶篆慵看玉瑟橫
憶山無睡過初更
卻思重向天台
宿瀑布巖前看月明

自喜尋眞得妙門
雙瞳日月照乾坤
憑誰說向陶弘
景華蓋雲深曉又昏

掩卷開扉海月生
靜思潛喜復關情
赤城桐栢俱遊
了只未乘輶到四明

寒山疊疊雪冥冥獨坐丹丘古驛亭自覺近來心骨

健因看十匝洞真經

天台續集

雍方知

神宗時人

江濱泛舟和吳中復韻

火老金柔尙伏藏快風收雨送新涼人隨竹馬從來

盛酒入蓮筓特地香春草與誰占夢句白雲空自頌

觥觴欲知此口公之樂正喜西城息亢陽

成都文類

任恬

神宗時人

題招提院靜照堂

門揜世口外幽棲
向此堂一心能自靜
萬事卽都忘
塵冷孤蟾白
庭空異草香
何須隱林壑
處處可韜光

嘉禾志

牟景先

神宗時陳州人

題招提院靜照堂

金色成千界
毫光燭萬緣
堂名斯擬象
法眼示通圓
座踞軒楹內
明觀善惡前
吾當除滯見
清信率周旋

嘉禾志

李處訥

神宗時福建人慶孫猶子

山口驛

少年嘗誦少陵詩寤寐城南天下稀
錦屏山色行看遠
閬苑風光願與違
回首玉臺山下路
黃梁初熟夢

成非

輿地紀勝

宋詩紀事補遺卷二十六 男侍讀銜內閣中書樹藩校

宋詩紀事補遺卷之二十七

歸安陸心源伯剛父輯

李復圭

厲有

石橋

石梁嶠屺據雙流異跡嘗聞記道猷
五百眞如誰化滅三千色界妄探求
燈籠焰古長年在茗蓋花濃繼日浮
靜境少留塵慮息松風蕭颯又驚秋

先照亭

危梁上下慶雲端禪刹輦飛插翠巒
華藏貝多絨祕典香厨蒲塞供珍餐
回廊跨壑千重峻縣溜堂空六

月寒盤礴迥知靈秀境極高方見地形寬

李惇元

神宗時人

賦新繁周表權如詔亭

甲第連薨構此亭翰林題榜得佳名詩書舊業傳芳久
綸綍新恩耀俗榮蘭省才華推子舍鯉庭義訓是家聲
他年容駟高門盛豈獨于公大慶閼

成都文類

李周

厲有

李邵楊致祥种古种診雙檜聯句

古字列雙檜森鬱欹簷角

古

高幹若偃蓋低枝羅翠

幄周葉硬攢蜩毛子圓如雀殼診盤根雖輪囷呈才

終卓犖邵枯冬傲霜雪炎夏宜雨雹致祥蒼皮遶龍

蛇危巔巢鸞鷟古歲寒知後凋清風到先覺周月涵

煙影孤雨溜苔蘚駁診願逢繁露用勿使為棖桷致

祥春姿筆工偷風韻溪虎學古松筠比節操蜚鳥敢

蠹啄周黛色晚山分清香朝露濯診桃李恥妖饒椅

梧羞齷齪致祥犧尊雖備儀真性惡剪斲古俗名强

雌雄奇勝重古樸周氣勢已干尋栽培從一握邵五

松慙忝位秦封受殊渥致祥石刻○

呂公著 厲有

楊郎中新居和堯夫先生韵

高齋曠望極山川却顧卑居不值錢二室峰巒凝畫
碧萬家樓閣帶輕烟春濃繚繞環遊騎地勝依稀寓
列仙唱發幽人丞相和當時紙貴洛城傳
碧瓦朱門將相居見嵩臨洛百家無登高此地還能
賦會老他年定入圖花發四時排步障鳥鳴終日勸
提壺何人遇賞偏留賞逸士清風激鄙夫

和魏教授見贈

清世文章日月懸無才惟幸樂豐年遊山太室更少
室看水伊川又洛川古有孟軻難語覺時無顏子易

爲賢讀書每到天根處長懼諸公問極前

留題龍門二首

融結成來不記秋斷崖蒼壁鎖烟愁中分洪造夏王
力橫截大山伊水流八節灘聲長在耳一川風景盡
歸樓行人莫動凭欄興無限英雄浪白頭

誰將長劍斬長蛟斬斷長蛟劍復韜爪尾蜿蜒凝華
岳角牙獠惡結嵩高骨傷兩處嶺蒼壁血出東流洶
巨濤此物猶難保身首爲言讒口莫嗷嗷

龍門石樓看伊川

數朝從歛走烟霞縱意凭欄看物華百尺樓臺通鳥

道一川烟雨屬僧家直須心逸方爲樂始信官榮未
足誇此景得遊無事日也宜知幸福無涯

二十二日晚步天津次日有詩

溪翁昨晚步天津步到天津伫立頻洛水只聞煎去
棹西風唯解促行人山川慘淡籠寒雨樓觀參差鎖
暮雲此景分明誰會得欲霜時候雁來賓

和王常侍登郡樓望山

四賢當日此盤桓千百年人尙厚顏天下有名難避
世胸中無物漫居山事觀今古興亡後道在君臣進
退間若蘊奇才必奇用不然須負一生閒

和王安之六老詩錄一五七三首

六老皤然髻似霜縱心年至又非狂園池共避何方
勝樽酒相歡未始忙杖屨爛遊千載運衣巾濃惹萬
花香過從見率添成七況復秋來亦漸涼

六客同遊一醉鄉又非流俗所言狂追遊共喜清平
久唱和爭尋警策忙薦酒月坡林菓熟發茶金石井
泉香千年松下麾談麈襟袖無風亦自涼

林下狂歌不貼腔貼腔安得謂之狂小車行處鶯花
開大筆落時神鬼忙門掩紫荆闌闌達牆開食牖薜
蘿香一般天下難尋物洛浦清風拂面涼

寄吳傳正寺丞

敦篤情懷世所稀昔年今日事難追
雪霜未始寒無甚松桂何嘗色暫移
洛邑士人雖我信天津風月只君知
夢魂不悟東都遠依舊過從似舊時

延福坊李太博乞園池詩

宣威十九次高牙奕葉功臣舊將家
清世辭榮歸里第白頭行樂過年華
杯盈香醕浮春水曲度新聲出靚花
如此園池如此壽兒孫滿眼慶無涯

王安之同赴王宣徽洛社秋會

後房深出會親賓樂按新聲妙入神
紅燭盛時翻翠

袖畫橈停處占青蘋
早年金殿舊遊客
此日鳳池將去人
宅冠名都號蝸隱
邵堯夫敢作西鄰

以上洛陽縣志

錢詠

烏程人沈長卿之外祖
隱德不仕見劉苕溪集

賦新繁周表權如詔亭

選構人皆事宴逢
獨君教子襲良弓
因聞詩禮家題

舊及寵絲綸
命語同几杖
已尊賢老外龜
魚爭煥綵

衣中新來更喜增
榮觀青鑠才臣贈古風

益帥吳事近有寄

題此亭詩○

成郡文類

俞袁

仙居人神宗時舉神童

宋詩拾遺誤余

大興院

松柏迴環路屈盤
像堂寂寂枕層巒
泉清翠茗臨烹
易地僻紅塵欲到難
樵斧伐雲春谷暗
漁榔敲月夜溪寒
我來未盡登臨興
欲去徘徊更倚闌

宋詩拾遺

馬光

神宗時與張仲讓等號爲六儒

悼靜照堂僧

寶閣灰寒靜照新
馬蹄從此陷京塵
金門乞得詩千首
蕭寺歸來老一身
弟子去來渾領袖
交朋存歿半

簪紳口口又剪梧桐葉不見蒲團舊主人

嘉禾志

宋永孚

自署春明當爲敏求之後

鹽泉

一泉流白玉萬里走黃金人事有因革寶源無古今

輿地紀勝

曹仁海

神宗時人

和王微之使君齊山懷古韻

臨風眺遠夕陽開雁陣橫江一送哀猶記此間森槩

戟不知何處是蓬萊謫仙豪放留遺韻小杜文章擅
治才數點煙波今古思尊前黃菊幾低徊

齊山岩洞
志引康熙

池州
府志

范微之

神宗時祕書丞見臨川集外制

峴山

南口會要地山水控雄壯峩峩峙漢首濃綠疊千嶂
羣峯相迤邐頑口厠口口漢流紀東麓汪洋口口漲
原隰錯綺組口口織纖纈景物革四時眺聽增萬狀
羊公昔鎮撫平吳啓霸王經國有餘裕口口此登訪

表表口形勢

下缺

湖北通志金石

范純僖

純仁弟兄行神宗時人

送向綜通判桂州

洞庭春暖浮仙鷁
桂嶺花飛擁使旌

輿地紀勝

范鉞

神宗時宣德郎知太原縣見劉彭城集外制
李復漪水集有與范鉞朝請書

送羅正之年兄出使二浙

紫泥封詔出蓬萊
且指東南倚憲臺
千里忽驚霜斧

去百城爭望錦衣來
湘江氣象心先到
吳俗姦媮膽

欲摧天姥舊山還
好在應尋卿老一
裴徊天台續集別編

邵亢厲有

方氏故居

偶分魚竹到稽山
處士林泉一望間
歲月自隨流水

遠姓名長與白雲
閑鑑中人去荒遺
跡溪口僧來寫

舊顏何日船訪巖藪吾門高弟約躋攀嚴陵集

李京

字伯升趙州人第進士
厯平定軍判官冀州判

官遷監察御史授右正言
數上書言事稱切直

游碧落洞

賞景塵囂外放懷岑寂中寒崖映流水古柏生清風
坐看琴酒樂路非車馬通何當遂初志來此期芝翁

韶州府志

沈躬行

字彬老瑞安人自幼力學有家法非義勿蹈甫
冠游太學試禮部不售卽歸養初從塘輿林氏
後從伊川程氏藍田呂氏學故能卓然以聖賢
爲依歸

仙巖卽事

孟月攝提指春遊初服成招尋追舊蹟涉厯憇孤情
斲爾諧心賞相從念友聲丹房探不遠吾欲悟無生

瑞安縣志

陳經正

宇貴一平陽人慕伊洛之學與弟經邦經德經
邠永嘉鮑若雨俱受業二程之門

遊南雁

雨晴華表插天孤霧散丹霞落雁湖洞窈不知紅日
過峰危倩得白雲扶人間誰道無蓬島天地分明有
畫圖山鳥罔知人未醒隔林欵欵喚提壺

溫州府志山川

魏鵬

字寓言湖北襄陽人舉進士

閨情四首

春閨曉起淚痕多
倦理青絲髮一窩
十八雲鬟梳掠過
更將鴛鏡照秋波

侍女新傾盥水湯
輕裝雪腕立牙床
都將隔宿殘脂粉
洗在金盆徹底香

紅綾拭鏡照牕紗
畫就雙眉八字斜
蓮步輕移何處去
階前笑折石榴花

薰風無路入珠簾
三尺冰綃怕汗黏
低喚小鬟推繡

戶雙彎自濯玉纖纖

湖北詩徵傳略

宋瀚

涪陵郡

錦繡州猶在熊羆夢已無文風齊兩蜀仙跡接三都

白石從天設青崖見地圖荔枝妃子圃不復曩時輸

輿地紀勝

王渭卿

鳳凰臺

江山還似六朝時老盡梧桐鳳不知保大空存前殿
佛元嘉已沒舊廊碑幾年何德之衰也昌日覽輝而

下之不見長安豪傑恨諸公忍讀謫仙詩

景定建康志

勾龍如淵

字行父永康軍道江人歷官御史中丞宋史有傳

送孫太沖守懷安

金沙春三月桃李照城郭石峽頽鯉魚時時醉賓幕

輿地紀勝

王嚮

嚮字夢錫南城人生數歲喜讀書呂南公數稱之於曾子固年三十二卒有文集

題紫霄觀

薜蘿紫拂道巖斜
高人雲霄殘紫霞
地長杉篁環羽蓋
風兼簫鼓落仙家
危峯自照當巖月
絕壁堪通上漢槎
人世不知真跡好
只尋流水訪殘花

江西詩徵

王才臣

廬陵人

長風紙平渡

剪紙鋪平江鴈飛
翬字雙秋山青隔
岸誰啟讀書牕

廬陵縣志

毛友誠

字伯明平江人從謝良佐高弟康叔臨傳程門
學寓巴陵尤邃易學有集曰玩易學者稱竹間
先生沒祠岳陽之泮宮

謝李宏齋先生

何以答夫子力學窮朝曠瞬息纔不學老與衰相親

誓參舞雩樂胸中長暮春

沅湘耆舊傳

侍其備

長洲人累官高安知縣江西轉運使

經湘東

迢迢萍水向西流地接長沙一片秋不逐征鴻過湘

浦行程應記到南州

萍鄉縣志

童邦直

盱江人

登麻姑山

碧苔侵野迳好鳥隔春烟有洞尋青翼無僧結白蓮
雨添蛙一部煖足柳三眠綠髮便花朵慳腸怯酒船
安仁嗟拙宦蘇晉暫逃禪日色同悲慘東風亂紙錢

麻姑山志

張商英

厲有

香林院

瑟瑟松上風冥冥竹間露窗虛簾色寒石側蒼苔古
長廊寂無人殿閣一鈴語此意兩翛然徘徊不能去
舊江西
通志

金精山留題

秦亡項滅漢罷兵分王宗室皆連城西方女子不用
事張氏有婦懷金精吳山之下吳水曲石鼓峯巒翠
相轟山幽水邃閨閣嚴二八芳年貌如玉吳王聞知
心欲狂珠珮繒纈羅千箱苦憑青翼致消息陳說富
貴誇膏梁玉人冷笑吾當許第能爲吾開洞府洞成
賦詩悲下土悲哉下土人皆苦飄飄仙袂凌上蒼天

街昴畢騰輝光使同千里澀進步目極五雲空斷腸
吳王悵悵忽不樂入顧後宮情索寞仙凡會合竟何
年多謝君王鑿洞天

同上

望仙曲

麻姑王蔡迹已往望仙亭在孤峯上朝見五雲飛暮
見五雲歸雲飛雲歸自今古仙來仙去誰可知勿望
仙望仙目眩徒茫然白石可煮誰能言不愛插翼冲
青天王池且酌太和酒一醉壽同天地久陶陶與物
任浮沈肯顧霞衣雲組綬

同上

歸州

歸州男子屈靈均，歸鄉女兒王昭君。
山窮林薄不肥沃，生爾才貌空絕羣。
男爲逐臣沉湘水，女嫁穹廬天
萬里漢宮無色楚。無人醜陋險邪君，
自喜興地紀勝

秋興亭

風送片帆來北客，霜凋萬木見東州。
湖光碧湛郎官水，葦岸黃深鸚鵡洲。

潁陰亭

駕言晨出潁臺隅，潁上登臨酒拍壺。
不似峴山羊叔子，心隨漢水欲吞吳。
以上興地紀勝

戲仙亭

濃洞溪水瀉高灘中有神龍久屈蟠眾樂妙音時響
曉雙娃長袖忽珊珊世間變化無非幻閣上登臨正
好觀觀幻見真真亦幻谷花巖草謾憑闌

輿地紀勝

擬峴亭

英雄往事堪歎息欄干徒倚情何極學取山翁醉似
泥不同羊祜謀人國

以上輿地紀勝

江陵

地連雲夢水無邊天斷夷陵欲盡山曾是劉虬高飲
地不知何處扣玄關

輿地紀勝

蛇谷道中聞杜宇

高杉何亭亭北接岢嵐山如何蜀杜宇飛鳴來此間
羽翼誤爾身浩蕩迷鄉關日長岩谷迴口角流朱殷
我亦有先廬三載出塵寰別來二十年仕宦髮欲斑
豈不懷西歸青葱映潺湲有翼尙飄泊無翼何時還

題介公廟

并序

介之推不忍舅犯之要君攜母以去求仁者也
世傳龍蛇意厚誣義士故有詩以辨之

十九年從晉重耳艱棘憂危同踐履田中乞食桑下
謀藹足周旋垂萬里一心奉祀不自欺逆知天意開
公子及河忽聞舅犯言如以朝衣蹈泥滓鄙夫豈可

與同行攜母入山甘隱藏公子歸來霸業强築壇踐
土尊天王大夫卿士環佩鏘斬祛寺人紛頤頡念子
昔者皆奔亡舍我長逝情怛傷大蒐縱火焚山岡烈
焰不肯回剛腸嗟乎義士不可量何人謬作龍蛇章
高光堡道中

故礪迎朝日高光眩晚霞峰巒成地勢桑柘似人家
柳葉依牆密溪流刷石斜土氓尊使者再拜饋酥茶
弔宋老生

血戰保孤城嗟哉宋老生身甘殉隋難義不屈唐兵
骨已塵埃盡光猶日月爭裴劉等死耳誰重復誰輕

溪亭二首

林檎園北小橋南，水綠山青不易兼。
戴勝降時桑破甲，駕犁啼處稻抽尖。
柳因倒植風流甚，花爲新移蔭舊纖。
獨碾雲龍坐溪石，幾人今夕共銀蟾。

蕭寺同環石磴間，山光草色遠相連。
坐中清景追唐蹟，門外紅塵接渭川。
落澗飛泉千丈玉，過牆脩竹一梢烟。
畫工誰繪當時巧，移得江南在眼前。

游縣山

夕陽返照影流東，點點寒鴉過遠峰。
漁叟罷竿收釣餌，牧童吹笛弄西風。
日光隱隱沉滄海，山色青青聳

碧空萬壑千崖增秀麗往來人在畫圖中

五臺山

五頂嵯峨接太虛就中偏稱道人居毒龍池畔雲生
密猛虎崑前客到疎冰雪滿山銀煅煉香花遍地錦
鋪舒展開坐具剛三尺已占山河五百餘

東臺

迢迢雲水陟峰巒漸覺天低宇宙寬東北分明瞻大
海西南綿緲望長安圓光化現珠千顆離照初昇火
一團風雨每從岩下過那羅洞裏有龍蟠

南臺

披雲躡雪上南臺北望清涼眼豁開一片烟霞籠紫
府萬年松徑鎖蒼苔人遊靈境涉溪去我訪眞容踏
頂來前後三三知者少衲僧到此費徘徊

西臺

寶臺高峻峙穹蒼獅子遺踪入水傍五色雲中遊上
界九重天外看西方三時雨洒龍宮冷一夜風飄月
桂香土石亦堪消罪障那非菩薩現神光

北臺

北臺高聳碧崔嵬多少遊人到便同怕見目前生地
獄愁聞耳畔活風雷七星夜夜通峰頂六出年年積

澗隈熱少寒多難久駐焚修直令念成灰

中臺

中臺岌嶮最堪觀八面奇峰擁翠巒萬壑松濤心體
靜一天花雨骨毛寒重重烟水東南闊漠漠邊塵西
北寬信入文殊真覺海大家高步白雲端

淨名寺

月滿汾川寶鐸寒誰來此地葬金棺育王得道行空
際尊者飛光出指端天上罡風常護住人間劫火漫
燒殘大千沙界無餘跡聊向閭浮示涅槃

以上山西通志

留題慧山寺

元符己卯兩浙運判官孝藹作常關取
奔牛上閘成集賢殿修撰發運使張商英
被旨相視至慧山
寺留題以紀行役

咸陽獲重之明年五月端午予泛船二閘新成洞常
潤組練直貫吳松川淮南枕師初八浙借問邑里猶
茫然茶經舊說慧山泉海內知名五十年今日親來
酌泉水一見信異傳聞千置茶適自建安到青杯石
臼相爭先輾羅萬過玉泥膩小餅蟹眼湯正煎乳頭
雲腳蓋饒面吸嗅入鼻消睡眠滌釜操壺貯甘液絨
題遠寄朱明宅仙人見水是瑠璃乃知陸羽非凡客

毘陵志

步虛詞

珠珮珊珊路絕塵鳳凰山上夕朝眞甘棠美政行南
國列宿寒光拱北辰篆冷金盤雲屋曉書飛玉闕洞
天春一聲遼鶴歸傳報壽益君王福在民

見麻姑山志

凌雲行二首

麻姑何代仙南城有遺壇雙練飛絕巘天風逼人寒
枯螺抱怪石幾見海水乾清都在何許煙霧不可干
宮闕鏤白玉輜輶駕朱鸞念非龕濁質可以超雲端
冲虛盡塵滓變化生羽翰悠悠戚施予汲汲營脯餐
頎然碩且大軀幹壓馬鞍奉養恐不至齒髮忽已殘

呼吸一時絕枯骸積蟻旣膝行望碧落霄露零衣冠
願聞道之妙不用擲米丹人間甯足樂棄去夫何難

其二

我本耕釣夫素嗜山水樂補吏來盱江潛解組綬縛
獨上凌雲行青梯入寥廓萬象富觀覽四面峻巖壑
天風襲衣襟斷霞半空落仙家雞犬鳴驚起巢松鶴
勝遊最後時萍梗念漂泊回首顧人間佳景滿城郭

並見麻姑山志

岑象求

鴈有

再至新定有感

蜀地吳天各一涯去來三紀亦云賒
烏龍遶郭儼如舊白髮滿頭良可嗟
老矣不堪多感慨使乎何處是光華
周行歷覽猶疑夢更問庭楮幾度花

詠縣廳前古楮木

三十年前宰一同朝朝相對此庭中
如今翠葉樛枝好依舊朱欄戒石東
潘岳河陽花立盡陶潛彭澤柳隨空
唯君獨負堅剛操何異靈椿與夏蟲

以上嚴陵集

滌慮軒

聖人重洗心君子貴浴德清心是道場
金仙有遺則人言我慮不須滌我謂幾
人能滌得此息萬緣

此銷六賊君不見水觀月觀成道人盡向此門生妙

識天台續集

王實字仲弓許昌人文恪公陶之子未冠從司馬
溫公學受禮易二經超然不以仕宦進取爲意
詩祖陶謝韋杜靜而深婉而麗有一唱三歎之
音范蜀公以耆老退居忘年接之元祐初梁右
丞燾薦於朝爲藉田令崇甯初一守信陽歸卽
謝事挂冠里中口吃不能極語徐聽其言袞袞
皆有遠致善飲酒所居鳳臺園有修竹萬餘本
道溪水貫其中水木幽茂不覺在城市間靖康

之難南渡卒於鄂之咸寧遺命不爲銘文自志
其大略納之壙中

古意

少年紅顏女敷紛對芳樹盈盈淡艷粧清歌雜妙舞
凝睇倚高樓桐絲試一譜世間知音稀誰識姱節素
清貞守幽閨不作凡子婦容華委西山良人來何暮
空牀思悠悠明月正當戶

宋詩拾遺

吳羽

全椒人元祐初秀州軍事推官見山谷集吳革
墓誌

句

滁陽自昔稱名壘舊有東園枕滁水

輿地紀勝

羅畸

字疇老劍川人元祐初爲滁州刺史崇寧間秘書少監撰蓬山志五卷

福州

山園碧玉神仙島地湧黃金宰相沙丹荔熟時堆錦
繡翠榕空裏起龍蛇

輿地紀勝

許景衡 厲有

敏叔見和再依韵謝之

曾錄新詩數百章簡編從此有輝光當年俱是江邊客今日多爲天上郎竹葉一罇魚侶玉梅花三弄月如霜邊城樂事還隨分莫笑終朝有底忙

又

分明喜色滿眉間誰怕霜毛作老顏況有杯盤留客醉不教風雨爲人慳子眞最愛橫塘水居士新遷巾子山唯有詩壇小工部吾君未肯放教閒

送僧遊天台

石梁天絕赤城深影落滄溟幾萬尋金策若同聊爲

說慰子終老愛山心

以上天台續集

男侍讀銜內閣中書樹藩校

宋詩紀事補遺卷二十七